

金湯借箸
房山
國家三百年來大勢
晏如然憂患之事亦
屢見矣士大夫幸際



太平守咕嚕訓詁之

學服官受事安然擁

簿書奉考課譬郵宿

無他警厥明裒篋去

耳時則習姝々之容
享庸々之福輒謂曉
暢世務間有英偉之
士談兵說劍詫為多

事過年




破

名城若摧朽朽一時孱

將懦卒色變股栗搦

戈泣耳乃衿紳之負

膽略者率裂眚投袂
思以干城効昔人謂
孫武子十三篇文士
尤當盡心余嘗感慨

時事謂武臣惜死正

須文士知兵未能決

策遠攻亦須僉謀近

守頻年奉簡書固守

陪京每思先事暇辦
求夫究心禦侮如古
畫灰聚米者誠難其
人京口周子臺公風

雅經術名走天下適
冠氛颶馳大中丞史
君道林以國士禮聘
叅帷幄送賊介時其

衆晨壓我師臺公親
冒矢石為諸將先與
賊血戰竟日大挫其
鋒中丞為報功最所

與謀罔弗奇中者臺
公真智囊哉乃封豕
長蛇薦食不已屹々
苗都定鼎斯在至煩

登陴授兵于是臺公
壯心益自激勵與其
友李小有王元岳商
權城守方略題曰金

湯借箸借箸云者取
謀野則獲之義也上
下千古運用一心戰
守之方犁然備具期

以上真

皇輿下保赤子甚盛

心也况姦殺之慘至

今已極豈盡賊鋒之

銳實繇備禦之踈倘
取是書遵而行之保
一邑即救一邑之生
靈保一郡即救一郡

之生靈臺公之仁且
被天下第智囊云乎
哉今將應徵書入對
承明抵掌時務賢者

殆不可測余為咏千
旄之章以湏入告焉

省

崇禎戊寅嘉平月河




間
范景文題




序

金湯借箸廼周子臺
公手訂者之其爰李
小有攜其艸稿九卷

人韻門行達廣平而




圍廣平守令

相與出是書畫死守

計凡卯十餘回

采

城

城

能破豎解嚴歸功是
書謀梓行之題爲金
湯十式籌而行之北
益有所裒益非原本

之及乎赴官鄧州而
金湯猶箸又盛天
南如水戰營陳制勝
式卷勦皆李刻所纂

且多秘密語蓋韜鈴
所必需者始稱完璧
矣其書可傳後世豈
特今日中流式壺已

哉有土而恩固吾圉
者不更采讀是書之
乎因辨而序之如此
崇禎壬午春仲

欽差總督漕運巡撫鳳
陽等處地方兼理海
防戶部右侍郎兼
龍
察院右僉都御史
都

心史可法題于淮署

之大觀樓

金湯借箸總目

預備第一

時平宜備

幾動宜備

衝要宜備

間道宜備

勿因敵遠而忽之宜備

勿因地險而恃之宜備

城宜備

城有三宜

城有八忌

濠宜備

敵臺宜備

城梁宜備

城門宜備

內壕宜備

巷戰宜備

粟宜備

水宜備

薪宜備

芻宜備

鹽宜備

賢才宜備

精勇宜備

伎藝宜備

守城必用之人宜備

守城必用之物宜備

京邊鏡臺宜備

清野第二

清五穀

清芻草

清硝磺鉛鐵

清屋宇

清地面

險要第三

據險可以為法

失險可以為戒

清水泉

清竹木

清油蠟

清什物

設險可以為法

遙練第四

遙鋒

練射

練耳目

制器第五

火攻

弓

弩

刀

練銃

練方向

練心

砲

矢

鎗

及

牌

鎧甲

重法

設防第六

防門

防牆

防梁

防奸細

防窮民

防內應

防詐門

防詭冒

防暴來

防潛襲

防離叛

防風雨晦冥

防佳時令節

防敵退而實進

防敵去而復來

防敵攻東擊西

防賊求和挾詐

防隙地

防火變

防火藥

防草場

防獄

防庫

防七乘

拒禦第七

拒土山

拒磴道

拒填壕

拒雲梯
附鵝車

拒地道

拒矢石

拒火

拒水

方略第八

安插鄉民

盤詰奸細

擺塘報

假便宜

拒衝車

拒砲

拒烟

安插難民

設墩臺

重偵探

分信地

編丁壯

派守具

早分槩

預演習

量軍馬

遙鋒彈壓

遊兵策應

奇兵更番

屯兵外拒

養人力

脩犒賞

禁約第九

禁姦盜

禁歇家

禁樂戶

禁茶坊

禁酒肆

禁混堂

禁浪遊

禁風火

禁積薪

禁訛謠

禁誼譁

禁夜行

禁私開禁門

禁虛發矢石

禁擅出號令

禁妄動

禁吹響器舉竿表

禁擅離信地

禁擅入信地

禁近城房屋

禁近城土阜

禁私回賊話

禁私開賊書

號令第十

行軍號令

四方號令

守梁號令

營陣第十一

陣

車

水戰第十二

中軍號令

旗幟燈火

對敵號令

營

大江要道

舟製

水戰之器

兵夫列船式

制勝第十三

同結民心

誅除反仄

逆折盛勢

誘攻城

舟戰

水戰之師

水戰附攷

激揚士氣

鎮定危疑

邀截歸路

誘入城

誘戰

飽能饑之

敵則能戰之

內外夾攻

代交

形

認賊首

焚賊攻具

靜

佚能勞之

安能動之

少則能守之

不意奮擊

分勢

乘

取賊箭

焚賊糧草

暇

佚

治

遜將安邊

飽

密

用財欲泰

金湯借箸總目終

金鑑輯覽目錄

新刊
欽定
聖訓
聖訓
聖訓

欽定
聖訓
聖訓
聖訓
聖訓

卷之一

初日用 禮堂公前 無事

推前 亦長祥亦有前 較訂

同即 王址甲元祿前 未聞

頌陽

子曰滿招損辱之尤者也又曰不信

言不可以誦又曰有言無事亦言內冠

以義行信立於世矣非此德而為人

也安為法也待其反則也為言民之臣

金湯借箸卷之一

京口周鑑臺公甫輯著

淮南李長科小有甫較訂

同郡王孟申元嶽甫叅間

預脩部

君子曰。備預不虞。善之大者也。又曰。不脩不虞。不可以師。又曰。有脩無患。今外虜邊外告警內寇勢岌岌矣。枕戈待旦。豈非壯懷。倘尚厝火自娛。怡堂為樂。坐待其及。則生為負國之臣。死為

至愚之鬼禍蒼生辱青史豈不羞且痛哉鑑
與同人憂深恤緯敢避越俎借區區空言寃
不如見諸行事之深切著明也輯預脩

時平宜脩

董安于脩晉陽

智伯使人之趙請蔡臯狼之地趙襄子弗與智
伯怒陰結韓魏將以伐趙襄子召張孟談而告
之曰今吾安居而可孟談曰夫董安于簡子之
才臣也世治晉陽而尹鐸循之其餘政教猶存

城堅財富糧
足其備何如

矢足

足見預備之
效

君其定居晉陽。君曰諾。乃之晉陽。召孟談曰。吾
城郭已完。府庫足用。倉廩實矣。無矢奈何。孟談
曰。臣聞董子之治晉陽也。公宮之垣皆以荻蒿
苫楚。廩之其高至丈餘。君發而用之。於是發而
用之。其堅則箇路之勁不能過也。君曰。矢足矣。
吾銅少若何。孟談曰。臣聞董子之治晉陽也。公
宮之室皆以鍊銅為柱。盾請發而用之。則有餘
銅矣。君曰。善。備守已具。三國之兵乘晉陽。賊遂
載三月不能拔。

周臺公曰。寓矢於廐。寓兵於柱。深心而托之。
於無心。實用而藏之。以不用。既無勞怨。可避。
又無文法可疑。引伸觸類。人人可為。處處可。
為。而一切借口難為。妄之不為。可嘆也。

幾動安脩

顏真卿脩平原

顏真卿為平原太守。安祿山逆。狀芽孽。真卿度。
必叛。陽託霖雨。增俾濬陞。料丁壯。儲廩。日與。
賓客泛舟飲酒。以紓祿山之疑。果以為書生不。

虞也。祿山反，河朔盡陷，獨平原城守俱備。
周臺公曰：請問守土諸公，願為顏先生乎？願
為河北二十四郡乎？若願為顏先生，則倣其
先事為防可也。

衝要宜備

沈璞脩肝胎

初，宋肝胎太守沈璞到官，王玄謨猶在滑臺，江
淮無警。璞以郡當衝要，乃繕城浚隍，積財穀，儲
矢石，為城守之備。僚屬皆非之。朝廷亦以為過。
古
今
同
病

此預脩之效如

及魏兵南向。守宰多棄城走。惟璞城守。魏人肉薄登城。分番相代。墜而復升。莫有退者。殺傷萬計。尸與城平。凡攻之三旬不拔。會魏軍疾疫。魏主燒攻具退走。

李抱真脩澤潞

唐李抱真兼澤潞節度副使。抱真策山東有變。澤潞兵所走集。戰征之後。賦重人困。無以贍軍。乃籍戶三丁。擇一壯者。蠲其徭。祖給弓矢。令閒月得曹偶習射。歲終大較。親按籍第。能否賞責。

比三年皆為精兵。舉所部得成卒二萬。既不廩
于官而府庫實。故天下稱昭義步兵為諸軍冠
云。

趙犨備陳州

唐黃巢在長安。陳州刺史趙犨謂將佐曰。巢不
死長安。必東走。陳其衝也。且巢素與忠武為仇。
不可不為之備。巢自初起與李威張勉等戰皆忠武兵也乃完城塹。
繕甲兵。積芻粟。多募勇士。使子弟分將之。巢下
蔡州。果移兵擊陳。掘塹五重。百道攻之。陳人力

恐隼數引銳兵開門擊賊破之攻圍三百日方解去

周臺公曰孤城被困至三百日而不能破者預備之力也予潤為東南門戶餉道咽喉蓋一都會也豈可忘綢繆與昔人謂京口酒可飲兵可用今豈異昔所望賢公祖父母投醪市恩千金酬士為東南萬里長城耳

王元嶽曰江南經略云城一也有關係一方之利害者守令事也有關係數千里數百里

之利害者將帥事也。須提重兵以鎮之。合群帥以援之。其城無恙。敵不敢越此而他攻。是一城而庇百城者也。

間道宜備

總論

古之善攻者。不盡兵以攻堅城。善守者。不盡兵以守敵衝。盡兵以攻堅城。則鈍兵費糧而緩於成功。盡兵以守敵衝。則兵不分而彼間行襲我無備。故善攻者攻敵所不守。善守者守敵所不

攻攻者有三道焉。一曰正。二曰奇。三曰伏。坦平之路。車轂擊人肩摩。出亦此。入亦此。我所必攻。彼所必守者。曰正道。大兵攻其南。銳兵攻其北。大兵攻其東。銳兵攻其西者。曰奇道。大山浚谷。中盤絕徑。潛師其間。不鳴金。不撾鼓。突出乎平川。以衝敵人腹心者。曰伏道。故兵出於正道。勝敗未可知也。出於奇道。十出而五勝矣。出於伏道。十出而十勝矣。何則。正道之城。堅城也。正道之兵。精兵也。奇道之城。不必堅也。奇道之兵。不

必精也。伏道則無城也。無兵也。攻正道而不知
奇道。伏道焉者。其將木偶人也。守正道而不知
奇道。與伏道焉者。其將亦木偶人也。所謂正道
者。若秦之函谷。吳之長江。蜀之劍閣。是也。昔者
六國嘗攻函谷矣。而秦將敗之。曹操嘗攻長江
矣。而周瑜敗之。鍾會嘗攻劍閣矣。而姜維拒之。
何則。其爲之守備者素也。劉濞反攻大梁。田祿
伯請以五萬人別循江淮。收淮南。長沙。以與濞
會。武關。岑彭攻公孫述。自江州。泝都江。徑拔武

陽遶出延岑軍後。疾以精騎赴廣都。距成都
數十里。李愬攻蔡。蔡悉精兵以拒。李光顏面不
脩。愬自文城破。張業疾馳二百里。夜半到蔡。
黎明擒元濟。此用奇道也。漢武攻南越。唐蒙請
發夜郎兵。浮船牂牁道。番禺城下。以出。越人不
意。鄧艾攻蜀。自陰平。繇景谷。攀木緣磴。魚貫而
進。遂降劉禪。田令孜守潼關。關之左有谷。曰禁
而不之脩。林言尚讓入之。夾攻關。而關潰。此用
伏道也。吾觀古之善用兵者。一陣之間。尚猶有

正兵奇兵伏兵三者以取勝。况守一國攻一國而社稷之安危繫焉者。其可不知此三道而欲使之將耶。故曰間道宜備也。善守者如環。其謂是歟。

清流關間道

南唐皇甫暉提兵十萬控扼滁陽以援壽州。宋太祖與暉遇于清流之關。大爲暉所敗。是夜暉整全師入憇滁陽。太祖兵聚清流。慮暉再至。聞諸村人云有趙學究在村中教學多智計。太祖

乃微服往訪之。學究曰：皇甫威名冠東北。太尉自諒與已如何？曰：非敵也。學究曰：今兩軍勝負如何？曰：彼方勝而我敗。所以問計于君耳。學究曰：然使彼來日整兵出戰，師絕歸路，不復有噍類矣。太祖曰：當奈何？學究曰：我有一計，可以因敗爲勝。今関背有徑路，人無行者。雖脾軍亦不知也。可以直抵城下。方西澗水大漲之時，彼必謂旣敗之餘，無敢躡其後者。誠能繇山背小路，率兵浮西澗，徑至城下。彼方解甲休衆，不爲備。

斬關而入可以得志矣。太祖大喜，即下命誓師。夜出，跨馬浮西澗以迫城。暉果不為備，奪門以入，擒之，遂下滁州。

饒風嶺間道

吳玠與金人大戰饒風嶺。金人披重鎧登山仰攻。一人先登，則二人擁後。先者既死，後者代攻。玠軍弓弩亂發，大石推壓。如是者六晝夜，死尸山積。會玠小校有得罪奔金者，道以祖溪間道出，關背乘高以闚饒風。諸軍不支，遂潰。

勿因敵遠而忽之宜脩

弦恃遠不脩而滅

春秋江黃道

相

陌皆弦姻也

睦

而眩于齊弦子恃之

而不事楚又不設脩曰郢去我九百里安能害

我楚卒滅弦

王元嶽曰遠莫遠于九百里矣弦子何如

勿因地險而恃之宜脩

蜀恃陰平不脩而滅

姜維列營守險鍾會攻之不能克糧道險遠軍

馬邈能備決
不至此

食又乏。欲引還。鄧艾遂自陰平行。無入之地。七
百餘里。鑿山通道。山谷高深。至為艱險。又糧運
將匱。瀕于危殆。艾以羶自裹。推轉而下。將士皆
攀木緣崖。魚貫而進。先登至江油。蜀守將馬邈
降。

陳恃長江不備而滅

隋命晉王廣出六合。秦王俊出襄陽。楊素出
安。韓擒虎出廬州。賀若弼出廣陵。帥師伐陳。丹
艫被江。旌旗曜日。陳將樊毅曰。京口采石俱是

孔範遺種至
今轉盛奈何
奈何

要地各須防脩奏請再三陳主從容謂侍臣曰
王氣在此齊兵三來周師再來無不摧敗彼何
爲者耶孔範曰長江天塹限隔南北今日虜軍
豈能飛渡耶邊將欲作功勞妄言事急臣每患
官卑虜若渡江定作太尉公矣陳主以爲然故
不爲深脩奏伎縱酒賦詩不輟隋開皇九年正
月朔陳主會朝大霧四塞陳主昏睡至晡時乃
寤是日賀若弼自廣陵引兵濟江韓擒虎將五
百人自橫江宵濟米石守者皆醉遂克之於是

弼自北道擒虎自南道並進緣江諸戍望風盡走陳主惟晝夜啼哭擒虎軍直入朱雀門陳主曰吾自有計乃從官人十餘出景陽殿將自投于井後閣舍人夏侯公韻以身蔽井陳主與爭久之乃得入既而軍人窺井呼之不應欲下乃聞叫聲以繩引之驚其太重及出乃與張貴妃孔貴嬪同束而上陳遂滅

王元嶽曰山險莫過陰平水險莫過長江矣
漢劉禪陳叔寶何如

卜漏恃輪固不備而滅

政和中。晏州夷酋卜漏反。漏據輪固。其山崛起。數百仞。林菁深密。壘石爲城。外樹木柵。當道穿坑阱。仆巨柝。布渠答。夾以守障。官軍不能進。時趙適爲招討使。環按其旁。有崖壁峭絕處。賊恃險不設備。又山多生猱。乃遣壯丁捕猱數千頭。束麻作炬。傳以膏蠟。縛之猱背。于是身率正兵攻其前。旦夕戰。羈縻之。而陰遣奇兵從險絕處。負梯銜枚引猱上。既及賊柵。出火燃炬。猱熟狂。

跳賊廬舍皆茅竹。猱竄其上，輒發火。賊號呼奔撲，猱益驚，火益熾。官軍鼓噪破柵，適望見火，直前迫之。前後夾攻，賊赴火墮崖死者無算。卜漏突圍走，追獲之。晏州平。

周臺公曰：頃寇所至殘破，幾無完土。惟東南稍獲安寢者，徒賴此一衣帶水耳。然扼險者固恃險者，亡執事者不慮投鞭，率誇天塹，每一念及憂心京京矣。噫。

城所以衛民也。城之堅脆，民之生死係之。孟子策

滕不過曰築斯城也宜脩

城論

守城之法從攻城之謀而生于是虞仰攻則高壘以衛之虞直攻則厚築以衛之虞其迫于垣而隳廟也復開隍池為衛虞其遠于垣而憑陵也復加陴院為衛衛盡善守斯盡善故欲善守必明善攻預知患端方能捍患試觀古者公輸墨翟恒相反而恒相師

城基

築城先貴定基。譬猶樹木之根。其植深。其本大。其土實。斯人力拔之不動。颶風撼之不搖。故善工必于定基之始。務令根深土實。而本斯固焉。所謂根深者。或開土丈許得石。或類石。或自然之堅土。皆可為負重之本。所謂土實者。取成塊之土。沉于水漬之。經晝夜不稍弛解。斯為實土。若其地為鬆沙。為浮泥。必開壑令盡。方可定基。蓋沙泥不經水漬。風雨日久。傾圯必矣。或云鬆沙浮泥之下。未必有本然實土。試觀掘井者一

層沙一層泥最下一層始為黃土此必然之理故知開墾可盡焉至于基址廣厚必較其上所載者倍之始妙

周臺公曰丁丑余從大中丞史公道林追賊至太湖招余飲告以湖之新城役將報竣津津色喜余愀然曰惜乎大費物力不久而傾也公驚問故余曰築基不實一可虞上下厚薄相等二可虞不設敵臺少犄角顧盼之勢三可虞但利速就土未蒸篩攪入瓦礫四可

虞公然之。未期果不幸而言中。聊識此以為方來戒耳。

城制

凡大城除堦城身必高四丈。或三丈五尺。至下亦三丈。面濶必二丈五尺。底濶六丈。次城除堦城身高二丈五尺。面濶二丈。底濶五丈。小城除堦城身高二丈。面濶一丈五尺。底濶四丈。此其大較。若再加寬濶。益善。勢不可再減。但底加面不加。可面加底不加。不可。底不加而加面。斷然

請着眼今日
城制率不過
此奈何

傾覆。凡城身第一石。第二磚。第三土。若除梁外。
城身只高丈五者。則不可守。咸南塘

西域城制附


周臺公曰。古之為軍也。大陣包小陣。大營包小
營。一陣破。則諸陣尚全。一營破。則諸營尚全。為
其曲盡分合變化之妙。所以再無全軍覆沒之
理。西域造城。即倣其意。而為大城包小城之制
焉。或界而為四。或界而為六。或界而為九。四復
為四。則有一十六城焉。六復為六。則有三十六

城焉九復為九則有九九八十一城焉深合古
人營陣之法視中國數萬烟井止恃一墻一隙
疎虞而全城屠戮者萬萬不同是可師也合存
其式


界

城

一




四 城 圖




界

城

一



六城圖



界

城

一



九城圖



城有三宜

一宜高

後五代唐明宗以義武節度使王都篡父位惡之。詔王晏球發兵會討定州。唐主遣使者促晏球攻城。晏球與使者聯騎巡城。謂之曰。城高峻如此。借使主人使外兵登城。亦非梯衝所及。徒多殺精兵。無損于賊。不若食三州之租。愛民養兵。以俟之。彼必內潰。從之。定州將馬讓果開門納官軍。都舉族自焚。初晏球知州城高峻未易

急攻。朱弘昭、張虔釗宣言大將畏怯，有詔促令攻城。晏球不得已，攻之，殺傷將士三千人。

李小有曰：王都非智勇之將也。高則難犯，如此形勝，所以爲要也。

二空堅

夏王勃勃蒸土築統萬城，以利錐試之。若錐針入一寸許，即斬蒸土者。于是堅如鐵石。金父老所傳：周世宗築京城，取虎牢土爲之，堅密如鐵。及蒙古攻汴，受砲所擊，唯凹而已。

三宜厚

晉朱序鎮襄陽。符丕圍序。序母韓氏謂西北角
當先受敵。西北角必疎薄故也。領百餘婢并城

中女丁于其角。斜築二十餘丈。賊攻西北。潰便
固新城。襄人謂之夫人城。

春秋晉侯使申公巫臣如吳。假道于莒。與渠
丘公立于池上。曰。城已惡。莒子曰。辟陋在夷。
其孰以我爲虞。對曰。夫狡焉思啓封疆以利
社稷者。何國蔑有。勇夫重閉。况國乎。楚子重

戊申至庚申
相去十三日

急着眼莒子
便是樣子

伐莒圍渠丘渠丘城惡衆潰奔莒戊申楚入
渠丘楚師圍莒莒城亦惡庚申莒潰楚遂入
鄆莒無備故也君子曰恃陋而不備罪之大
者也備預不虞善之大者也莒恃其陋而不
脩城郭浹辰之間而楚克其三都無備也夫
詩曰雖有絲麻無棄菅蒯雖有姬姜無棄蕉
萃凡百君子莫不代匱言備之不可以已也

城有八忌

源高于城可灌而沉一忌

卷之一

智伯灌晉陽

曹操決漳水
灌鄴

韋叡堰淝水
灌合肥

吳明徹導淝
水灌壽陽

趙襄子走晉陽三家圍而灌之。城不浸者三版。
沈寯寯產鼃民無叛意。

曹操攻鄴決漳水以灌之。自五月至八月城中
餓死者過半。

梁韋叡討合肥案行山川曰。吾聞汾水可以灌
平陽。卽此是也。乃堰淝水。頃之堰成。水通。舟艦
繼至。因戰破之。

陳吳明徹進逼壽陽。導淝水灌城。城中苦濕多
腹疾。手足皆腫。死者十六七。

丁會壅汴水
淮宿州

宋太祖壅汾
水灌太原

梁朱全忠遣丁會攻宿州。刺史張筠堅守。會乃于州東築堰。壅汴水以浸城。筠乃降。

宋太祖征太原。命築長堤。壅汾水灌其城。其後師退。北漢主決城下水。注之臺駘澤。水落而城多摧圯。契丹使者韓知璠猶在太原。歎曰。王師之引水浸城也。知其一。不知其二。若知先浸而後涸。則并人無類矣。

魏王思政守潁川。東魏高岳攻之。堰洧水以灌城。時有怪獸。每衝壞其堰。然城破灌已久。亦多

魏勝圍孤山

崩壞。堰成水大至。城中懸釜而炊。糧力俱竭。城陷之日。存者纔三千人。

山高于城可俯而矚二忌

海州城西南枕孤山。敵至登山瞰城中。虛寔立見。故西南受敵最劇。魏勝築重城圍山在內。寇至則先據之。不能害。

李庭芝包平山堂

李庭芝兼知揚州。始平山堂瞰揚城。敵至則構望樓其上。張弓弩以射城中。庭芝大築城包之。募汴南流民二萬餘人以實之。號武銳軍。

匈奴擁絕澗水

陳泰斷流水

北魏作地道
洩虎牢井

流泉不供可坐而困三忌 以上天爲災也

漢耿恭以疏勒城傍有澗水可固乃引兵據之
匈奴復來攻恭遂于城下擁絕澗水恭穿井十
五丈不得水吏士渴乏竿馬糞汁而飲之

漢姜維寇雍州依趨山築二城使句安李歆守
之魏陳泰圍趨城斷其運道及城外流水將大
困窘分糧聚雪以引日月維救不及安等孤絕
遂降

北魏攻宋虎牢不能拔乃作地道以洩虎牢

高歡移汾

西川之水

中井井深四十丈。山勢峻峭。不可得防。城中人馬渴乏。被創者不復出血。遂破之。高歡攻玉壁。城中無水。汲于汾。歡使移汾一夕而畢。

西川民聞蠻寇將至。爭走入成都。時又乏水。取摩河池泥汁。澄而飲之。

城大人少。可乘其疎。四忌。

睢陽士卒死傷之餘。纔六百人。賊登城。將士病不能戰。城遂陷。張巡許遠俱不屈死。

周臺公曰。睢陽之陷。固繇食絕。亦繇人盡耳。孫子云。地生稱。稱生勝。正謂量人數多寡。以稱地形廣狹也。今屹屹陪京。土著極少。五方襍居之民。一旦聞警。各思鳥獸散。常苦不足。登陴之數。豈可不預為計耶。

人衆糧少。可待其潰。五忌。

魏遼東太守公孫文懿反。賊保襄平。司馬懿進軍圍之。會霖潦。大水平。地數尺。賊恃水樵牧。自若。諸將欲取之。皆不聽。司馬陳珪曰。昔攻土庸。

八
人部並進。晝夜不息。故能一旬之半。拔堅城。擒
孟達。今者遠來而更安緩。愚竊惑焉。懿曰。孟達
衆少而食支一年。文懿將士四倍於達。而糧不
淹月。以一月圖一年。安可不速。以四擊一。正令
失半。猶當為之。是以不計死傷。與糧就也。今賊
衆我寡。賊饑我飽。水雨乃爾。功力不設。雖當促
之。亦何所為。自發京師。不憂賊攻。但恐賊走。今
賊糧罄盡。而圍落未合。掠其牛馬。抄其樵采。此
故驅其走也。夫兵者詭道。善因事變。賊憑衆恃。

雨故雖饑困未肯束手當示無能以安之取小
利以驚之非計也既而雨止遂合圍起土山地
道循槽鉤衝晝夜攻之城震懼文懿大懼攻
南圍突出懿縱兵擊破之斬於梁水之上

周臺公曰予潤人悉潤事城堅而池深以上
諸忌似可無虞然百姓半以糶糴為生不惟
無兼辰之積朝餐而夕飧不繼者往往皆是
糧食之乏無過于此一旦有警不虞外攻先
憂內潰矣則積貯之法寔望賢祖父母加之

可以為戒

意也。

蓄貨外積可因其資六忌

幹瀉不軍抵都城西北據牟駝岡天駟監獲馬
二萬匹芻豆如山蓋郭藥師熟知其地故導金
兵先據之

軍旅卑弱可奪其氣七忌

蜀諸葛亮軍於陽平遣魏延諸軍并兵東下亮
惟萬人守城司馬懿率二十萬衆來與延軍錯
道徑至前當亮亮欲前赴延軍而相去遠將士

皆失色奪氣亮意氣自若勅軍中臥旗息鼓不得妄出菴幔又令大開四城門掃地却洒懿常謂亮持重而猥見勢弱疑有伏兵於是引軍北趨山魏兵攻濟南濟南太守蕭承之帥數百人拒之魏衆大集承之使偃兵開城門衆曰賊衆我寡奈何輕敵之甚承之曰今懸守窮城事已危急若復示弱必為所屠唯當見彊以待之耳魏人疑有伏兵遂引去

蒙古立砲攻洛洛城中唯三峰潰卒三四千

忠孝軍百餘守禦而已。蒙古兵圍其三箇彌強伸壞。
衣帛為幟立之城上。率士卒赤身而戰。以壯士
數百往來救應。大呼以慙子軍。為號其聲勢與
萬眾無異。兵器已盡。以錢為鏃。得蒙古兵一箭
截而為四。以筒鞭發之。又創過砲。用不過數人
能發大石於百步外。所擊無不中。伸奔走四應
所至必捷。蒙古益兵力攻。凡三月餘。不能拔。乃
退。

李小有曰。諸葛亮萬人。蕭承之數百人。強伸

止潰卒三四千及忠孝軍百餘人亮示弱幸而退懿承之示強幸而退魏至于蒙古則攻圍至三月矣而強伸竟以力戰破之為功更難則臺公所云軍旅單弱可奪其氣者特為庸將言耳

豪強梗命可破其城八忌

以上人事失也

周臺公曰頃流寇所至殘破非盡繇賊善攻也大半因高貴鄉紳妄自尊大藐視有司而不聽其令耳論以積穀不聽諭以出丁不聽高屋近

城恐賊乘之而上。又不聽焚拆。困廩在外。恐
因糧于我。又不聽徙藏。坐是殘破。封疆屠戮百
姓。並以家族殉之。臍可噬乎。雖然。亦有司之過
耳。國容不入軍。使不佞膺專城之責。則彼倔強
者。早已在繩之內矣。今四郊多壘。前車可鑒。聊
識此以當痛哭流涕之告云。

濠所以衛城也。濠之廣狹。城之存亡。係之。孟子策
滕不遏。曰鑿斯池也。宜脩。

深

深則不易填矣。以三丈為度。○壕淺者許城內
外居民脩蓋房屋。托坯燒磚和泥。聽于城壕取
土。官府脩理公衙。責令徒夫托坯。減日帶鐐作
工。小民犯罪。輕則量罰推土若干車。內培城脚。
免其笞杖。務令數月間池深及泉。雖旱不乾。方
為長計。諺云池深一丈。城高十丈。池深及泉。城
高觸天。是池深愈助城高也。

廣

廣則不易越矣。口以闊十丈。底以闊五丈為度。

○作池之寬。以城上鳥銃之彈。得到其外岸。為率太遠。則銃力不及。敵得任意出沒矣。沿池兩岸。宜多栽盤根宿草。以耐崩坍。

暗窰

有暗窰。則不易偷渡矣。○池底每十步鑿一圓井。口闊一丈。深一丈。謂之重淵。及泉為度。復外引河水。內引城中霖潦之水。以助其深可也。

周臺公曰。暗窰法甚妙。又當于中設置數道淺處。我則暗為表識。以便遣兵渡水。擊賊賊

若效我徑渡必墮深淵矣

明用品椿

壕水可通舟楫者釘品字椿木百餘根於水中
高出水面尺許防樓船衝我城也

暗用鐵杙

周臺公曰按後五代晉時交州亂漢主龔遣其
子弘操將兵攻之吳權引兵逆戰先于海口
置大杙杙餘力反槩也銳其首冒之以鐵遣輕舟乘潮
挑戰而偽遁弘操逐之須臾潮落艦礙鐵杙不

得反大敗溺死徐壽輝攻九江李黼出戰大敗
賊兵黼曰賊不利於陸必以舟薄我乃令以長
木數千冒鐵錐于杪暗置沿岸水中賊舟數千
艘順流鼓譟而至遇木椿不得動發火箭射
之焚溺無算繇此觀之與其明用品字椿于水
上不若暗用鐵杙于水中從來利器有形則賊
易防無形則賊必陷故也

掘坑坎

山城無池以地不可池也須離城二丈許掘為

高下坑坎。或空閒安置石條。以拒臨衝。呂公車翻梯踏雲車。即有池之城。內外岸上。亦宜如此布置。是謂重險。

馬燧引晉決汾

唐馬燧鎮太原。以晉陽王業所基。度都城東西平易。受敵時。邊警數至。乃引晉水注城東。潏為池。寇至。計省守陴者萬人。又決汾水環城。多為池沼。植柳固堤。

孟宗政潏水限騎

宋孟宗政知棗陽。以金人迫濠而陳。易于馳突。
乃于西北濠外瀦水為濶以限騎。

余闕三塹

元余闕守安慶。抵官十日而寇至。乃浚隍增陴。
隍外環以深塹三重。南引江水注之。時羣盜環
布四外。闕居其中。左提右挈。屹為江淮一保障
焉。

周臺公曰。丙子春。余從雷雨津先生參軍皖
城。奉大中丞玉筭張公命。相與徒步按行忠

宣公三塹雖半為豪右所侵遺蹟僅存然至今尚能賴之以為無恐又至清水塘尋其死節故處不覺徘徊憑弔泣下數行云且根古令人不相及也

敵臺宜脩
敵者敵也以殺敵為義不能殺敵無為貴臺矣

臺論

城牆正而不便俯視不敢眺望者恐其矢彈迎面對攻易于被傷也是以賊得竟逼城下聽其

施為如今之城何必矢彈對攻。雖鎗銃加之已
有餘矣。全仗高臺兩邊顧視夾擊。使賊不敢直
前衝挖。是人恃城以為衛。而城又借臺以為衛
矣。故有城無臺同于無城。有臺無制同于無臺
全在制度盡善。方能制賊。其法貴長出不貴橫
闊。左右牆之下照品字形。開成銃眼。以便放打
佛狼機。百子銃等項火器。品上留馬眼。品品以
便照看。取准。銃眼之制。內狹外濶。以便左右
取准。上蓋瓦屋。使兵夫得以安身。火器得蔽風

周臺公曰臨
壕一面獨不
空宜者恐賊
對面得用神
器攻擊防有
疎虞也故余
不取郭青螺
先生舊制稍

兩也各臺地步相去不宜太近太近則恐對放
神器自擊其城更不宜太遠太遠則恐矢石無
力鉛箭火藥須備百倍兩敵臺交相射打則兩
敵臺之間雖守堦無人而賊亦不敢登矣

實敵臺不如虛敵臺


築實敵臺不如築虛敵臺其法用大石厚砌臨
壕一面而空左右之中中有二層以木板為樓
用梯上下每層多置空眼限制如前以便窺覘以便
放鳥銃火箭之類賊不知銃箭出自敵臺內也

改正之

凡賊攻城。但顧上擊。不虞旁攻。故凡賴輜尖頭。
水驢旱船之類。皆防上而不防下。守城者每每。
無如之何。任其挖掘。以致失事。若有虛臺之制。
從左右夾攻。城可保無虞矣。

虛臺圖

實臺圖



突門

韓雨公曰。兩敵臺之側。平城之下。當留二突門。如斗口大。週圍用極巨堅石砌之。僅容一人。身出入其厚約五尺。門口設一陷坑。內鋪釘板。賊入卽陷。方爲萬全。門中預備大砲一二十門。若賊駕行天橋折疊車之類。必抵城下。始得施展。吾以大砲直從兩肋更裝疊放。賊必敗走。

王元嶽曰。此法極妙。郭青螺先生虛臺即是此意。真發古人所未發。且用此爲突門。又便。

出兵勦賊實一舉而兩利也

城梁宜脩 梁者躲也以躲身爲義不能躲身無
爲貴梁矣

梁論

梁身不宜太高高則擲石無力梁口不宜太窄
窄則擊賊礙身今梁身率高六尺幾與肩齊礙
口率寬一尺難容半臂此予所以笑今日無梁
制也愚意欲于梁身之內各以堅石砌成臺基
一層高濶各三尺一則免梁身太薄易于擊碎

鉤塼一則使守城軍民便于施放器械○梁頂
形宜如劍脊使賊不能駐足

城門宜脩

總引 詳具設防部

今人傳舍一
官故事事苟
且不圖後計
若治官如治
家比城如金
湯美起遷久
法也

今田舍翁多挾白銀尚知堅其門閭謹其關鍵
况闔城數萬生聚止係一門是宜萬分慎重至
于各府則不能知吾潤丁丑之秋西門爲火所
燬議易新者木用栗則價重而易之以杉鐵用
精則價重而傳之以粗如此簡略殊爲可駭

磴道柵門內欄牆

城內附牆多留磴道半里一座以便急時往來
今各處城內止有四門四路甚為失計每磴道
須留一門嚴司啓閉一防賊人登城一防守城
人夫偷安竊下城上用內欄牆高與心齊以防
進城之賊便于射打

內壕宜脩


總論

周堊公曰藩籬卑薄深為可虞賊一入城更無

限域真敗道也。戊寅夏，予寓毘陵，見有內壕一重，因服古人思患預防，極其詳慎，但承平日久，淺狹壅填，殊失作者之意耳。予意欲于凡城之內，皆設內壕一重，其深廣制度大約與外壕相配。內岸週遭作牛馬牆，派人守之，賊即入城，牆內之人與城上之人互相夾擊，步步皆是賊之死地，安能害我如此為備？賊兵雖多，攻械雖盛，誠可談笑以待之矣。

張巡城內作壕

昔尹子琦圍睢陽張巡所為皆應機立辦賊服
其智不敢復攻遂于城外築三重壕立木柵以
守巡亦于其內作壕以拒之足見非予臆創
而古人可師也



巷戰宜備

總論

周臺公曰。數賊入門。闔城鼎沸。聽憑焚戮。惟謀奔避者。巷戰之法。不講故也。若能按巷設伏。步步陷賊。入于死地。雖開門揖盜。不敢前矣。但歷觀往牒。殊少佳謨。惟國朝許達之法。萬全無虞。略爲通融于民。皆便。謹錄于左。

許達巷戰法

許達令樂陵期月。令行禁止。時流賊勢熾。達乃

築城濬隍。貧富均役。踰月而成。又使民各築牆。高過屋簷。仍開牆竇如圭。僅可容一人。家令一壯丁俟于竇內。其餘人皆入隊伍。令曰。守各號。令視吾旗鼓。違者從軍法。又設伏巷中。洞開城門。未幾賊果至。火無所施。兵無所加。旗舉伏發。盡擒斬之。

周臺公曰。是法也。予向雷雨津先生力道之。縱不能一城盡然。且于近城要路如法施行。賊亦不能爲害矣。

用鈎棒妙

又曰有堅城有內濠有巷戰藩籬三重可以
全民可以制虜可以殺賊

又曰或云巷戰之法不傳久矣奚從而學之
曰是不難或升屋擲瓦或潛伏兩傍門屋中
橫鈎直截皆是也然須于巷口用力若容賊
入巷則賊先升屋放火難捍禦矣

水鹿角

一松栢榆柳橐棠椒枳等枝稍俱將枝頭削
迎梢向外堆羅巷中高可丈餘厚可十步賊


又須防火浸
水令透可也

進城馬自難前

鐵釘板

一用連三大板。潤通兩堦。長可一丈。釘長五寸。
四指一釘。上鋪蘆席。覆以薄土。人馬蹈者。兩受
其傷。此亦助巷戰一法也。

卷戰車式



粟宜備

總論

周臺公曰。守城賴民。養民賴食。是以神農之言。曰。有石城十仞。湯池百步。帶甲百萬。而亡粟。不能守也。况賊寇臨城之日。四方援兵集此。避難百姓萃此。萬口待哺。急于平日。一或不備。不但外攻。內變先起。鑑歷觀往牒。見有兵精將勇。城高池深。但坐無食自破者。十居八九。歷引前車。筆之于左。以見食為民天。乃守城第一要務也。

耿恭食筋草

漢車師與匈奴共攻耿恭數月食盡窮困乃煮
鎧弩食其筋草死餘數十人

臺城雜食人肉

梁臺城被圍日久軍士或煮鎧熏鼠捕雀而食
之屠馬于省殿間雜以人肉食者必病梁武帝
蔬食至是蔬茹皆絕乃食雞子

睢陽括人為食

唐尹子奇久圍睢陽城中食盡士日賦米一

齧木皮鬻紙而食。茶紙既盡，遂食馬。馬盡，羅雀掘鼠。雀鼠又盡，巡出愛妾殺以食。士許遠亦殺其奴，然後括城中婦人食之。繼以男子老弱。城破，所餘纔四百人。

鄴城一鼠值錢四千

唐郭子儀等九節度使圍鄴城。自冬涉春，安慶緒食盡，一鼠直錢四千。

奉天采蕪菁根進御

唐奉天攻圍經月，資糧俱盡。時供御纔有糯米。

二斛每伺賊之休息夜縋人于城外采蕪菁根而進之

揚州兵自食其子

元阿朮攻揚久而無功乃築長圍困之城中食盡死者枕籍滿道兵有自食其子者時李庭芝守揚

淮安父子夫婦老稚更相食

元褚不華扞禦淮安賊掘塹圍之芻餉路絕軍帥吳德秀運米萬斛入河為賊所抄帶生吃人民生至此何攻城愈急城中餓者仆道上人即取啖之草木螺蛤魚蝦

烏燕^{幸也}及靴皮鞍韉草廂敗弓之筋皆盡而後父
子夫婦老稚更相食城陷

官督私藏

周臺公曰以上數條觀之無食之害至于如此
凡有守土之責者宜于平居無事之日預先概
將闔城居民矢公矢慎按巷分方妙法細行查核其
擁貲厚而占田多者為上戶僅能自食者為中
戶恃作而食朝不及夕者為下戶中戶俾令計
口若干約積百日之糧平時不許浪費一粒以

中戶自積自食

下戶之無告者計口賑給

下戶之強壯者任役受食

上戶積米以脩糴糶

紳弁更宜唱率

是亦十分取一之法不為

待有警自食下戶俾令計口若干分方造冊送官以憑臨時賑給除鰥寡孤獨矇聾殘疾得坐食公廩外其有膂力方剛足任驅使者每人米二升錢十文薪貲受公值任公役不願者聽則上無虛糜之費下無匱乏之憂矣至于上戶原自不同有上上者有上中者有上下者妄意室中難以為據田產多寡可以辨之不拘在城在鄉無分紳弁士庶逐一查明視力派積如家在萬金以上即派積米千石以次下之百石而止

過勵

分方之法妙
絕千古

一先字一賒
字深為不肖

令各照數積完。各在本家收貯。報官親詣查驗。
務一一足數。又一一是在城內查驗明白。其米
仍係各家私物。官不得取用半粒。謂之公督私
藏。一遇有警。城門關閉。許照未闕。城時米價稍
增十分之一。以償耗脚。各聽本方下戶糴買。其
有越方強糴。及有力之家冒充下戶糴買。希為
奸利者。即許糴戶扭稟。輕則決杖。重則梟懸。官
或因兵糧不足。有時取用。必照十一加增之價。
如數先給銀兩。不許賒欠分文。如此則於民無

損而於地方有益雖似無米而炊權宜之術實則藏富于民制用之經也但須賢明有司能以此意家諭戶曉又酌其土俗人情商同巨室鄉耆議妥舉事行之有法如一家之人自爲生計始善若張皇僉報致生疑畏更或借此行其不肖人必不肯樂從使良法美意反成擾害旋舉寢閣地方何所賴哉

李小有曰城守莫要于積糧積糧莫便于自積蓋輸之于官雖顆粒亦有難色貯之于家

雖崇墉誰不樂從。勿論有事之時。可飽父母。
妻子。幸而無事。出其所藏。亦可本利兼收。此
真先事預圖。有益無損者也。宜定為條例。
以數目限以時日。嚴以稽查。限

積穀票式 中戶積穀票式亦同此只官督私藏四字換自積自食四字以為別耳

官督私藏

〇〇方〇〇戶趙		甲係〇〇		圈內填注本身職役	
在縣冊田	千百畝	驗契實價銀	兩	別置房產	間
見住房產	間	驗契實價銀	兩	生理資本	估銀
以上共計銀	兩	完	石	照銀應積穀	日
本縣限	完	石	石	查已完	未完

周臺公曰。此票極得法。按冊查田。則田不得欺隱。驗契查銀。則銀不得欺隱。照銀數之多寡。為積數之多寡。則確有憑據。無繇規避。視委任羣小。聽憑僉報。得以上下其手。滋為奸弊者。萬萬不侔矣。

以上所派米。若干石。限十日。百石限一日。藏于各家。耑所卽中戶自食者。亦須各家用箱盛貯。屆期候本縣照票驗糧。如有積不照數。遲不如限。用不稟官者。查出照所欠之數。罰。

入義倉備賑仍勒限催補完數

分方法

周臺公曰小民比屋而居貧富貴賤雖各不同
總以四至衢巷分為一方本方之中推尊而服
衆者一人為方司擇公而有力者二人為方保
有心勤力壯上善承值官府下善采訪民情者
二人為方甲能舉五伯勛手開四力弓者六人
為方卒此八人者各有代耕之祿願充者聽司
保得以役屬之本方奸細之有無丁壯之多

差乎予豈好
殺哉積玩之
後人心頑鈍
已久不有重
法事決難行
不得不以威
克耳

身家之貧富責令司保等人從公確報如小心
奉法則有優賞若清查人戶之時或受賄賣免
或乘機報復或借端索詐一有此等情弊即許
被害之人指名呈首審實定以軍法從事當時
梟首示衆若如今日更老則用龍鍾老疾之人
保甲則用貧窮匪羸之輩欲清奸而奸不清欲
核戶而戶不核且此坊牽連彼坊牙錯絲紛難
為清理毋惑乎法累行而輒阻也若如予逐段
分方之法行之則每方之中不過數十家每家

其妙法也

之中不過數人出入閭里朝夕相見卽其人之
面貌姓字尚可一見而決至于孰良孰奸孰貧
孰富自不可得而掩矣一值兵荒之日卽以本
方之富而賑其本方之貧則數少易給不以難
繼為憂因以本方之貧而僱于本方之富則計
功受值不以冒食為愧卽有罷癯殘疾老弱婦
女安坐白食數亦無幾富者亦可作功德想而
不必屑屑計之矣

李小有曰臺公分方之法其利有三清查人

戶之時奸豪不得隱冒一也賑濟之時本方
自濟本方更無一人得以攬越擠塞誼叫紛
爭二也有警之時富者捐財貧者效力彼此
相資不為浪擲且貧民得生內變不起三也
王元嶽曰昔熙寧就村賑濟張詠照保糶米
徐寧孫逐鎮分散朱文公分都支給皆用此
法臺公與之暗合所謂智謀之士所見皆同
也

清戶牌式

清 戶 牌			
方 <small>神上</small> 戶趙	甲	係本縣	籍
見住房產	間 <small>自典</small> 係業	驗原 <small>買典</small> 契銀	兩
別方房產	所式如前無則注無後做此		
在縣冊田	畝 <small>自典</small> 係業	驗原 <small>買典</small> 契銀	兩
父	人母	氏兄	人弟
妻	氏子	人左隣	人右隣
已冠丁男共	口	義男共	口
老弱婦女共	口	僱工共	口

右牌稽縣籍者何所以辨流寓也

稽生理者何所以辨游民也

稽職役者何所以辨貴賤也

稽田產者何所以辨貧富也

稽銀數者何所以防欺隱也

稽六親者何所以防介特也

稽隣舍者何所以嚴保結也

稽丁男者何所以便差役也

稽口數者何所以計廩給也

宜安全之
無所係屬之
人易為奸盜

李小有曰臺公此法極穩妥細密自此以後
興徭作賦設備追胥不知省却多少氣力絕
却幾多弊端吾願實心為民者倣而行之遇
兵遇荒無往不濟

賑窮法

周臺公曰兵荒有警每每開倉賑發此自是良
有司事而賑之無法則奸胥作弊百姓不能沾
其實恩若聽人糶買則豪右仍充作窮戶糶歸
私倉貧民不得蒙其實惠此從來積弊也宜擇

各坊寬厰寺觀照僧家施粥例先令本坊窮民
預報花名造成一冊約計人數若干每日應用
米若干煮為脫粟聽其就食男女有班都圖有
界越坊覓食者誅男女混亂者誅庶幾粒粒皆
果貧民之腹官府又無浪費之擾其稍能自存
者又恥來隨衆就食較之聽民糴買滋弊萬端
大相懸絕夫貧民得食則反側潛銷而富家豪
族皆可藉手安枕矣

勸富本意

周臺公曰兵荒交警貧富百姓自宜有無相通
然而不肯捐助分文者無非欲全享其富厚也
不知饑寒百姓死亾切身甘心應賊導為剽掠
則洞房清宮非已所有賊得焚之朱提白鎰非
已所有賊得捲之粉白黛綠嬌妻美妾非已所
有賊得淫之牽衣執袂桂子蘭孫非已所有賊
得戟之肢體髮膚併非已有刀俎惟賊截弊惟
賊祖宗丘墓併非已有發掘惟賊剖戮惟賊皆
繇不能散財之故耳石州張鄉宦家與廬鳳諸

郡縣各鄉宦家可爲萬古千年悔禍之鬼矣予所以苦口勸輸者正爲富貴之家保全性命計也豈區區損有餘補不足已哉坐是賈怨幾陷虎口言之傷矣

常平米

昔蘇文忠公自謂在浙中二年親行荒政只用出糶常平米一事更不施行餘策若欲賑濟饑貧不惟所費浩大有出無收而此聲一布饑民雲集盜賊疾疫客主俱敝惟將常平斛斗出糶

官司簡便不勞給納煩費但將數萬石斛斗在市自然壓下物價境內百姓人人受賜此前賢已試之法信不我欺故曰常平法斷當復也其法專主糶糴而糶本常存蓋不費之惠其惠易徧弗損之益其益無方誠救荒之良策矣

贓罰糶穀

何良俊四友齋叢說云今之撫按有第一美政所急當舉行者要將各項下贓罰銀督令各府縣盡數糶穀其有罪犯自徒流以下許其以穀

恐不足

贖罪大率上縣每年要穀一萬下縣五千而
隸巡撫下有縣凡一百則是每年有穀七十餘
萬積至三年卽有二百餘萬矣若遇一縣有水
旱之災則聽于無災縣分通融借貸俟來年豐
熟補還則東西百姓可免流亡而朝廷于財賦
之地永無南顧之憂矣善政之大無過于此

社倉

宋乾道四年民艱食熹請于府得常平米六百
石賑貸夏受粟于倉冬則加息以償歟蠲其息

之半大饑盡蠲之凡十四年以米六百石還府
見儲米三千一百石以爲社倉不復收息故雖
遇歉民不缺食詔下熹社倉法于諸路

今有司積穀之法亦社倉遺制然所積祇紙
上空言半爲有司乾沒半充上官無礙錢糧
之用一遇荒歉輒仰屋竊歎不如留穀于民
間之爲愈矣噫

周臺公曰積穀而不知興屯終非本計予別
有屯籌一編茲不贅

水宜備

李允則濬湖穿井

宋李允則遷知滄州濬浮陽湖葺營壘官舍間穿井未幾契丹來攻老幼皆入保而水不乏

青澗城

宋种世衡建言城故寬州以當寇衝然處險無泉議不可守鑿地百五十尺始至石工徒拱手曰是不可井矣世衡曰過石而下將無泉邪爾其屑而出之凡一畚償爾百錢工復致力過石

數重泉果沛發朝廷因署為青澗城焉

楊銳浚井

國朝楊銳守備安慶聞寧濠變作於城中治兵食多浚井

薪宜備

總引

城上燒賊必須稻草乾柴先期派價與柴戶領買千萬束堆置空閑倉廩以需急用

臺城壞省為薪

初臺城之閉也。公卿以食為念。男女貴賤並出負米而不備薪。至是壞尚書省為薪。

淮安撤屋為薪

元祐不華圍淮安。芻餉皆盡。撤屋為薪。人多露處。坊陌生荊棘。力盡城陷。

周臺公曰。積薪不如積炭。積炭不如積煤。以炭可免延燒。煤尤堪露積也。

芻豢備

臺城判薦飼馬

初臺城之閉也。公卿以食爲念，男女貴賤並出負米而不備芻。至是，撤薦剉以飼馬。

鄴城淘塙馬矢飼馬

唐郭子儀等九節度使圍鄴城。自冬涉春，城中芻盡，淘塙戮及馬矢以飼馬。戮與職翻，初以麥雜土築塙，今圍急之以芻，故淘之以飼馬。

鹽空備

潁川攣腫

魏高澄攻潁川時，城中無鹽，攣腫死者十八。

賢才宜備

曹真使郝昭守陳倉

魏曹真以亮懲於祁山。後必出從陳倉。乃使郝昭守陳倉。亮果出散關圍陳倉。起雲梯以臨城。昭以火箭逆射其梯。梯上人皆燒死。亮用衝車。昭以繩連石磨壓其衝車。衝車折。亮更為井闌。百尺以射城中。以土丸填塹。欲直攀城。昭于內築重牆。亮又爲地穴。欲踊出于城裏。昭又于城內穿井橫截之。晝夜相攻二十餘日。亮糧盡。引

去

周臺公曰此備賢才之效也。向非昭則陳倉破矣。但郝昭常有恐曹真不常有耳。

精勇安備

臥彪

北魏李崇深沉有將略。在壽春十年。嘗養壯士數千人。寇賊侵邊。所向摧破。號曰臥彪。

練卒

唐高崇文屯長武。練卒五千。常如寇至。

捕盜將

唐山東道節度使徐商。以封疆險濶。素多盜賊。選精兵數百人。別置營訓練。號捕盜將。及湖南逐帥。詔商討之。商遣捕盜將二百人平之。

伎藝空備

總引

主將延問軍中。或民間奇謀勇力機捷跣跣精伎。辨口之士。如雞鳴狗盜之類。無不加禮以備訪用。

錢工三

太原之不破
皆一賤工之
力也葉籠中
物豈可少哉

史思明圍太原。李光弼募軍中有少技皆取之。
人盡其用。得安邊錢工三。善穿地道。賊宴城下。
令倡優居臺上。仰而侮詈。光弼遣人從地道中。
曳其足而入。臨城斬之。自是賊行皆視地。○賊
爲梯衝土山以攻城。光弼爲地道以迎之。近城
輒陷。○賊圍守益固。光弼遣人詐與賊約。刻日
出降。而使錢工三潛穿地道爲溝。周賊營中。搆
之以木。至期。光弼勒軍城上。遣裨將將數千人。

以出如欲降者賊皆屬目而賊營忽陷死者甚衆賊衆驚亂因鼓譟乘之俘斬萬計

守城必用之人宜備

總引

鐵匠

弓匠

箭匠

弩匠

火藥匠

甲匠

木匠

石匠

泥水匠

裁縫

鑛匠

皮匠

竹匠

油漆匠

紙割匠

窑匠

畫工

醫士

皆係必用之人各宜設局處

守城必用之物宜備

總引

弩箭

弓矢

鑄斧

鈎鎗

鎗

齊眉棍

神砲

鳥銃

毒烟

火箭

石塊

水絮袋

醋水盆

水

水器

此用特其大概耳

京邊銃臺宜備

總引

夫守城之最得力者莫利於神砲今神砲已貯

而銃臺未築是有用之器置之無用之地也嘗
歷覽海島見濠鏡澳夷所築銃臺制度極精大
約造之城上於城頭雉堞之下做一石膏以便
發銃城內仍加厚一層以防銃之伸縮真堅固
之極活動之甚比之寧遠銃臺大不相同今京
師及邊關險隘之處宜倣此式造之

經世挈要

外火器水器營器攻器皆宜預備者也或附
見本集或另成一卷茲不贅入

金湯借箸卷之一終

